

Maandalizi ya Mwisho ya Maisha ya Umilele,

Wapenzi, sasa tu wana wa Mungu, wala haijadhiriika bado tutakavyokuwa; lakini twajua ya kuwa atakapodhihirishwa, tutafanana naye; kwa maana tutamwona kama alivyo. Na kila mwenye matumaini haya katika Yeye hujitakasa, kama Yeye alivyomtakatifu. 1 Yohana 3:2, 3.

Kupitia juhudi binafsi iliyounganishwa na maombi ya imani, mwanadamu hufunzwa. Siku kwa siku tabia hukuzwa katika kufanana na Kristo; na mwisho, badala ya kubadilika badilika kutegemeana na mazingira yake, badala ya kuendekeza ubinafsi na kutwaliwa huku na kule na mazungumzo ya kijinga yasiyokuwa na maana, mtu huyu anakuwa nahodha wa mawazo na maneno yake. Inaweza kukugharimu kuwa na mgogoro mzito katika kushinda tabia ambazo uliziendekeza kwa muda mrefu, lakini tunaweza kushinda kupitia kwa neema ya Kristo. Anaita kujifunza Kwake. Atatutaka kuweza kujitawala wenyewe na kuwa na tabia kamilifu, tukitenda yale yapendazayo machoni Pake. “Mtawatambua kwa matunda yao” ndicho kipimo Chake pekee cha kupima tabia.

Ili tuweze kuwa wa kweli katika ushawishi wa Roho wa Mungu, tutapiga hatua kutoka neema hata neema na utukufu hata utukufu hata tutakapopokea mguso wa mwisho wa maisha ya umilele.

“Wapenzi, sasa tu wana wa Mungu, wala haijadhiriika bado tutakavyokuwa; lakini twajua ya kuwa atakapodhihirishwa, tutafanana naye; kwa maana tutamwona kama alivyo”... Je, kupandishwa cheo kwa kidunia kunaweza kukupa heshima iliyo sawa na hii – kuwa wana wa Mungu, watoto wa Mfalme wa mbinguni, wanafamilia wa familia ya kifalme? Mwanadamu anaweza kutamani heshima anayoweza kukirimiwa na mwanadamu mwenzake mwenye ukomo; lakini itamfaidia nini? Waungwana wa kidunia ni wanadamu tu; hufa na kurudi mavumbini; na hakuna kuridhika kunakodumu katika kusifiwa na heshima yao. Lakini heshima inayotoka kwa Mungu hudumu. Kuwa warithi wa Mungu na kuwa warithi pamoja na Kristo, ni kupewa haki katika utajiri usiotafutikana – hazina yenye thamani hiyo ambayo ikilinganishwa na dhahabu na fedha, johari na vito vya thamani vya dunia hii, vinaonekana kutokuwa na thamani kabisa.

Kupitia kwa Kristo tunapata furaha isiyoielezeka, utukufu mwingi wa milele. “Mambo ambayo jicho halikuyaona wala sikio halikuyasikia, (wala hayakingia katika moyo wa mwanadamu), mambo ambayo Mungu aliwaandalia wampendao.”

Tunapungukiwa Imani sahili; tunapaswa kujifunza ustadi wa kumwamini rafiki yetu mpenzi. Japo hatumwoni, Yesu anatuangalia kwa huruma nyingi; na anaguswa na hisia za udhaifu wetu. Hakuna mwanadamu hata mmoja ambaye anauhitaji mkubwa ambaye atamwangalia kwa imani akakosa tumaini... Mkristo ni... mwanadamu mwenye furaha kuliko wote ulimwenguni. Anajihisi kuwa salama; kwani anamtumaini Yesu, na kuufurahia uwepo Wake. Ulinzi Wake ni wa “Mungu, Awaokowaye wanyofu wa moyo.” Usiahirishe jambo hili, bali anza ... kuimarisha akili yako kuwa thabiti kwa Yesu na mambo ya kimbingu, huku ukikumbuka kuwa kwa kuutazama utufuku wa Mungu tunabadilishwa na kufanana Naye. Uwe hodari katika Mungu (The Review and Herald, Juni 10, 1884).